



Na osnovu člana 64. stav (1) tačka b) i člana 70. Zakona o javnim nabavkama („Službeni glasnik Bosne i Hercegovine“ broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18 i 25/20), na preporuku Komisije za javnu nabavku od 29.10.2021. godine, Centralna izborna komisija Bosne i Hercegovine je na 73. sjednici održanoj 04.11.2021. godine, d o n i j e l a

O D L U K U **o izboru najpovoljnijeg ponuđača**

(1) Ugovor o nabavci usluga poštanske dostave izbornog materijala na adrese biračima u inostranstvu za glasanje putem pošte za Prijevremene izbore za gradonačelnika Grada Prijedor dodjeljuje se grupi ponuđača koju čine „Hrvatska Pošta“ d.o.o. Mostar, „Pošte Srpske“ a.d. Banja Luka i „JP BH Pošta“ d.o.o., Sarajevo, koja je predstavnik grupe ponuđača.

(2) Ocjenjeno je ponuđač kvalificiran i da ponuđena konačna cijena **u iznosu od 29.883,87 KM** je u okviru iznosa sredstava procijenjenih i osiguranih za ovu nabavku.

(3) Ponuđaču iz stava 1. ove odluke, će biti dodjeljen ugovor u skladu sa elementima iz Ponude, uslovima i kriterijima utvrđenim u tenderskoj dokumentaciji.

(4) Ova odluka stupa na snagu danom donošenja.

O b r a z l o ž e n j e

Postupak nabavke usluga poštanske dostave izbornog materijala na adrese biračima u inostranstvu za glasanje putem pošte na Prijevremenim izborima za gradonačelnika Grada Prijedor, proveden je putem pregovaračkog postupka bez objavljivanja obavještenja o nabavci broj: 07-2-16-3-1351-1/21. Poziv za učešće i dostavljanje početne ponude objavljen je 22.10.2021. godine na web stranici Centralne izborne komisije BiH i isti upućen na adresu „JP BH Pošta“ d.o.o. Sarajevo. Do krajnjeg roka za dostavljanje ponuda ponudu je dostavila grupa ponuđača koju čine „JP BH Pošta“ d.o.o. Sarajevo, Obala Kulina Bana br. 8., 71 000 Sarajevo, predstavnik grupe, „Hrvatska pošta d.o.o Mostar, Tvrtka Miloša bb, 88000 Mostar i „Pošte Srpske“, Kralja Petra Karadorđevića 39, 78 000 Banja Luka.

Komisija za javnu nabavku imenovana Odlukom broj: 07-1-16-3-1351-2/21 od 20.10.2021. godine je utvrdila da je ponuđač u početnoj ponudi dostavio svu traženu dokumentaciju i ponudio početnu cijenu ponude u iznosu od 30.493,75 KM bez popusta. Nakon poziva za dostavu konačne ponude upućenog 28.10.2021. godine, grupa ponuđača je dostavila konačnu cijenu ponude u iznosu od 29.883,87 KM u koju je uračunat popust u iznosu od 2% u odnosu na početnu ponuđenu cijenu

Komisija je sačinila Zapisnik o pregledu i ocjeni početne i konačne ponude u provedenom pregovaračkom postupku bez objavljivanja obavještenja o nabavci broj: 07-2-16-3-1351-11/21 od 29.10.2021. godine, u kome je konstatovala i uputila preporuku Centralnoj izbornoj komisiji Bosne i Hercegovine za izbor ponude grupe ponuđača čiji predstavnik je „JP BH Pošta“ d.o.o. Sarajevo i zaključenje ugovora za **nabavku usluga poštanske dostave izbornog materijala na adrese biračima u inostranstvu za glasanje na Prijevremenim izborima za gradonačelnika Grada Prijedor**, jer je ponuda u skladu sa kriterijima i specifikacijom utvrđenim u tenderskoj dokumentaciji i ponuđena konačna cijena u iznosu od **29.883,87 KM bez PDV** (ponuđač nije PDV obveznik) je u okviru procijenjene vrijednosti i osigurana za predmetnu nabavku.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-1351-12/21
Sarajevo, 04.11.2021. godine

Dostavljeno:

1. Ponuđaču
2. Odsjeku za materijalno finansijske poslove
3. Na internet stranicu CIK BiH www.izbori.ba
4. A/a

